

CONNACIA & MEDIA.

Auteri autem quos dixi, Australiorem hujus Connacie partem olim occuparunt, ubi nunc *Tuvomondia* vel *Claria*, *Clan Richardi* regio, & *Baronia de Atterith*, quæ *Auterorū* nomē in se planissime prodit. *Tuvomond*, Giraldo *Thuermonia* (quæ quamvis ultra Senum jaceat, Momoniæ adjudicatur) grandiori Promontorio in mare projicitur, sede Archiepiscopali, quam *Toam* dicunt, & suis Comitibus celebris, *O Brenis* scilicet, qui ē veteribus Connacie Regulis oriundi, ab Henrico VII *Tuvomondia* Comitum titulo sunt honorati. Hæc regio, vel maxima ejus pars Anglis *Claria* Comitatus appellatur a Thoma Clare juniore filio Gilberti primi, Comitis Glocestria cui hanc regionem Rex Edvardus primus concessit. *Clan-Richard*, id est, *Terra filiorum Richardi* his est contermina, nomen Hibernico more a Richardo quodam sumsit ex Anglica familia, *De Burgo*, sive *Burgensis* dicta, quæ postea maximi nominis & potentia in hoc tractu fuit, & ē quæ Richardū de Burgo Henricus VIII Comitem *Clan-Richard*, creavit. *Atterith* vulgo *Athenry* bellicosum Baronem suum Ioannē *De Bermingham* Anglum in suam laudem rapit, ē qua familia Comites *de Louth* sunt prognati. Inter hos *Auteros Ausoba* flu. ostium a Geographo statuitur, nunc *The bay of Galuvay* dici videtur: *Galuvay* enim Hibernice *Gallive*; in ejus recessu cernitur elegans sanē & turritum opidum, quod fluminis beneficio diversas opes terræ marisque facili permittet commercio, *Ravium* item fluvium in Connacia statuit Geographus, sed inversis pro *Banium* literis, quo etiam num nomine innotescit; *Banny* enim accolis nominatur, qui ex Erno lacu emissus Connachtia & Ultonia limes dignoscitur. Ad Incolas redeo. Connacie reliquum ad Boream occuparunt olim *Nagnata* usque ad *Bannum* fluvium, qui Ultoniam & Connaciam interdividit, ubi *O Conor*, *O Roerc*, & *Mac Diarmod* sylvestres Hibernici rerum quodammodo potiuntur. Littus vero ab *Ausoba* dorsum agit per Insulas *Arran*, *Inisceath* Colmāni monasterio olim notam, & *Inis Bovind*, quam Beda ex Scotico sermone *Vitula alba Insulam* interpretatur. Retrahitur inde littus ad *Libni* fluvii ostium, quem exulantem ad suam *Dubliniam* reducit Camdenus, sed locus quem designat Ptolemæus, nunc *The bay of Slegah* vocatur. *Nagnatam* urbem hic ponit Ptolemæus, sed quænam illa sit, eruere non est mei ingenii, inquit idem Camdenus. Archiepiscopus hic unus qui *Tuvomond* vulgo *Toam* residet & Momoniæ adjudicatur, sub quo hi sunt Episcopi suffraganei: *Kilmako*, *Olfine*, *Bishop Helphen*, forte; *Avaghdone*, *Clanfert*, *Moroo*.

MEDIA.

Regia.

Nomina.

Unde ducta nomina.

Situs.

Soli fertilitas.

Imperium majorem.

MEDIA tertia Hiberniæ portio, quam patrio vocabulo *Mish* dicunt, Angli *Meirhe*, Giraldu *Midia* & *Mediam*, forsitan quod sit in ipso Insulæ medio. Umbilicum enim Hiberniæ *Killair*, in hac parte castrum, quod videtur esse Ptolemæi *Laberus*, perhibent, ipsumque nomē non aliud innuit: *Laber* enim lingua Hibernica medium significat. Hæc ab Hibernico mari ad Sineum usque flumē protensa jacet, quod flumen ipsam a Connacia determinat. Aërem habet salubrem aspectumque delectabilem, Fertilis est frumento, pascuis & armentis, affluens carnibus, butyro, caseo, lacte, & similibus: ac propter populi multitudinē, castrorum & opidorum fortitudinem & pacem inde natam vulgo *Camera Hibernia* audit. Scribunt Hibernici regionem hanc suos quondam habuisse reges, *Slaniumq;* Hiberniæ Monarcham postea regali mensa